

UDRUŽENJE POSLODAVACA ZE- DO KANTONA

**Registrovano po rješenju Ministarstva pravosuđa ZE DO
kantona broj:06-05-18937/14 od 29.09.2014.g.
ID BROJ:4218863430003**

Zenica, 10.decembar 2014. godina

Predmet: informacija o nelojalnoj konkurenciji

Na sjednici Upravnog odbora Udruženja poslodavaca ZE-DO kantona, koja je održana 10.decembra 2014.godine, između ostalog, razmatrana je i informacija o nelojalnoj konkurenciji koja se čini prema bh.autoprevoznicima koji zapošljavaju 2.000 radnika i koji imaju međunarodne linije prema Švedskoj i Švicarskoj.

Riječ je o tome da Tuzlanska vlada uz pomoć Federalne vlade BiH izdvaja subvencije Međunarodnom aerodromu Tuzla koji je sklopio petogodišnji poslovni ugovor o avio-letovima po Evropi sa mađarskom nisko tarifnom avio-kompanijom „WIZZAIR“ koja nudi putnicima avio-karte po damping cijenama na redovnim avio-linijama za Švedsku (Malme i Geteborg) i Švicarsku (Bazel).Uz to na Tuzlanskom aerodromu WIZZAIR je oslobođen i aerodromskih taksi što je jedinstven primjer u svijetu .

Ne bi ništa bilo neobično u ovom slučaju da sklapanjem poslovnog aranžmana sa ovom stranom avio-kompanijom Tuzlanski aerodrom posluje po ekonomskim principima , da ima komercijalne letove i da iskazuje pozitivne finansijske rezultate kojim bi opravdavali društvene subvencije i ostale ustupke koje je država odobrila ovoj zračnoj luci.

Na sjednici Upravnog odbora Udruženja poslodavaca ZE-DO kantona je konstatovano da je neprihvatljiva činjenica da se putem javnih preduzeća (

u ovom slučaju Tuzlanskog aerodroma) prelijevaju kantonalna i federalna budžetska sredstva u inostrane privatne aviokompanije (u ovom slučaju WIZZAIR),te se tako čini nelojalna konkurencija i otežavaju uslovi privređivanja bh.autoprevoznicima koji imaju redovne međunarodne linije na relacijama BiH-Švedska i BiH Švajcarska.

Tražimo da Upravni odbor Udruženja poslodavaca FBiH razmotri ovu problematiku i da s tim u vezi donese konkretne zaključke kojima bi se obezbijedilo da i autoprevoznici BiH imaju isti tretman i da se spriječi ova nelojalna konkurencija koja se čini prema bh.autoprevoznicima.

Predsjednik Upravnog odbora
Rasim Salčinović